

ME TUPU AKE TE NGARUERUE-ENUA

**AKATOPA'IA
KI RARO**



**TAPOKI
PARURU'IA**



MOURIA'IA



WWW.CIVILDEFENCE.GOV.T.NZ



Me tupu ake te ngaruerue-enua

AKATOPA'IA KI RARO, TAPOKI PARURU'IA, MOURIA'IA

Kua koropini'ia te katoa'anga ia Nu Tireni nei e te au ngaruerue-enua te ka tupu. Na te kite i tei tau kia rave viviki'ia me tupu teia, e paruru kia kore te kino e tupu, e kia ora te manganui'anga o te tangata.

Me tupu ake te ngaruerue-enua, Akatopa'ia koe ki raro, Tapoki paruru'ia, Mouria'ia. Na teia e kore ei koe e inga ki raro, e kare koe e riro ei takete u'ia e te au apinga e takaviriviri topa aere ra na roto i te reva, e ka paruru teia i toou katu, i toou kaki, e te au turanga puapinga o toou kopapa.

- **AKATOPA'IA** koe ki raro i toou nga rima e toou nga turi. Na teia e paruru kia kore koe e inga, e ka rauka ia koe i te nekeneke, me ka anoano'ia kia rave koe i te reira.
- **TAPOKI PARURU'IA** toou katu e toou kaki (me kore ra, te katoa'anga o toou kopapa, me ka rauka te reira kia rave koe) ki raro ake i tetai kaingakai matutu meitaki, me kore ra, i tetai ngai tata puka (mei te mea e, e vaitatai mai te reira kia koe). Me kare e ngai vaitata noou no te paruru ia koe, tapoki paruru'ia toou katu e toou kaki ki toou nga rima roa e toou nga kapu rima.
- **MOURIA'IA** te ngai e paruru ra ia koe (me kore ra, i toou turanga ia koe e paruru ra i toou katu e toou kaki) e akamotu ua atu te ngaruerue'anga. Me ka akanekeneke aere te ngaruerue'anga i toou ngai e paruru ra ia koe, e neke katoa koe ma te aru i te reira.

Me kare e ngai paruru vaitata mai kia koe, e tooro koe ki tetai kōna i roto i te pia tei reira koe, ka tapoki paruru ei koe i toou katu e toou kaki ki toou nga rima e toou nga kapu rima. Auraka e oro ki va'o, me kore ra, e tu ki mua i tetai ngutupa. E maata te aronga e roko'ia ana e te kino ia ratou e tauta ra i te neke i TE TUATAU e ngaruerue ra te enua. E meitaki atu kia Akatopa'ia, kia Tapoki Paruru'ia, e kia Mouria'ia, e tae ua atu ki te tuatau e akamotu ei te ngaruerue.

Teatea-mamao'ia tetai parani i teia ra. E kimi koe e, koai te ka rauka i te tauturu ia koe, e koai te ka anoano kia tauturu koe iaia. Tei toou pupu o te Civil Defence Emergency Management Group o te oire, te au tuatua akakitekite no to kotou turanga moti'a.

